



Page: 2

Reach: 50000

Country: BOSNIA AND HERZEGOVINA

Size: 506 cm2

1 / 2

AKCIJA REBUS Poznati ugostitelji osumnjičeni za utaju poreza

'Mrkva' pod udarom SIPA-e!

Čevabdžinica "Mrkva" na Baščaršiji:
Jedan od najpoznatijih objekata

(Foto: F. Foča)



Privedeni Adnan Mrkva, Amel Čapin, Ermin Špilja, Adis Biberović i Arif Malići, koji se terete za organizirani kriminal, poreznu utaju i pranje novca

● Vlasnici jedne od kulturnih čevabdžinica s Baščaršije

5,5
miliona KM iznos
utajenog poreza

A.ALJIMI

Adnan Mrkva, vlasnik lanca čevabdžinica "Mrkva", te Amel Čapin, Ermin Špilja, Adis Biberović i Arif Malići uhapšeni su jučer ujutro u akciji kodnog naziva "Rebus" Državne agencije za istrage i zaštitu (SIPA).

Uhapšeni se, prema informacijama iz SIPA-e, terete da su počinili krivično djelo organiziranog kriminala, u vezi s krivičnim djelima porezne utaje, krivotvorenja ili uništenja poslovnih ili trgovačkih knjiga ili isprava, podnošenje lažne porezne prijave i pranje novca.

Riječ je o vlasnicima jednog od najstariji i kulturni ugostiteljskih objekata u samom srcu Baščaršije. U posljednje vrijeme posao se proširio, a objekti su otvoreni na još nekoliko lokacija u Sarajevu. No, istražni organi tvrde da je širenje poslova utemeljeno na utaji PDV-a.

Pranje novca

Osumnjičeni su, kako saznajemo, nakon hapšenja odvedeni u prostorije SIPA-e, gdje ih je ispitao tužilački tim kojim rukovodi tužilac Senad Osmić. Kako saznajemo iz pouzdanih izvora, akcija je pripremana više mjeseci pod budnim okom sarajevskog tužilaštva, a istražitelji su došli do veoma važnih saznanja koja će biti korištena u nastupajućem krivičnom procesu.

Kako se sumnja, novac koji je trebao biti uplaćen u budžet osumnjičeni su koristili za otvaranje novih ugostiteljskih objekata, renoviranje postojećih, kupovinu repromaterijala za čevabdžinice, mesa i somuna te isplate plaća radnicima van legalnih finansijskih tokova. Do značajnih podataka došla je i Porezna uprava FBiH, čiji su inspektori bili uključeni u ovu istragu.

Između ostalog, postoji osnovana sumnja da su osumnjičeni izbjegli plaćanje porezne obaveze u iznosu od najmanje 5.532.287,99 KM od 1. januara 2011. do 12. oktobra 2015. godine, čime su stekli protivpravnu imovinsku korist i za taj iznos, prema dokazima kojima raspolaže tužilaštvo, oštetili budžet.

Sudske naredbe

Tokom akcije istražitelji su pretresli stambene i poslovne objekte na 14 lokacija radi pronalazjenja i privremenog oduzimanja predmeta koji mogu poslužiti kao dokaz u daljnjem postupku. Osumnjičeni su počinili krivična djela koja im se stavljaju na teret obavljajući različite dužnosti i poslove u privrednim društvima „Mrkva Group“ d. o. o. Sarajevo i „Mrkva“ d. o. o. Sarajevo.



Page: 2

Reach: 50000

Country: BOSNIA AND HERZEGOVINA

Size: 506 cm2

2 / 2



*Mrkva: Saslušan u
SIPA-i*



*Ćapin: Osumnjičen
za pranje novca*



*Tužilac Osmić:
Opsežna istraga*

Golman i direktor

Uhapšeni Adnan Mrkva direktor je reprezentacije BiH u hokeju na ledu, a Amel Ćapin hokejaški je golman repre-

zentacije. Kako saznajemo od našeg izvora, istraga za sada nije povezana s njihovim angažmanima u sportu.